

Ismeta Dervoz

Inicijativa upućena poslanicima u Predstavničkom domu: „Generalna skupština UN-a Rezolucijom 54/134 iz 1999. godine 25. novembar proglasila je Međunarodnim danom borbe protiv nasilja nad ženama. Ovaj datum uzima se kao prvi dan međunarodne kampanje obilježavanja 16 dana aktivizma u borbi protiv nasilja nad ženama i traje do 10. decembra. Podrška muškaraca ovoj kampanji je nošenje bijele vrpce koja, ustvari, predstavlja muško NE nasilju nad ženama. Nošenjem bijele vrpce muškarci se obavezuju da nikad ne počine, opravdaju ili prešute nasilje nad ženama i djevojčicama. Uvažene kolege, zahvaljujući Gender centru Federacije BiH, vi danas na svojim klupama imate ispred sebe po jednu bijelu vrpcu i ja vas pozivam u ime naše Komisije za ravnopravnost spolova i Gender centra Federacije BiH da njenim nošenjem pružite podršku obilježavanju 16 dana aktivizma protiv nasilja nad ženama.“